

# 佛说善夜经

唐三藏法师义净奉 制译



南無本師釋迦牟尼佛

## 说明

本简体校正版《佛说善夜经》电子书，根据《乾隆大藏经》大乘单译经，第 0496 部，唐三藏法师义净奉制译《佛说善夜经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年四月



扫码关注仁慧草堂微信公众号

## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处  
结祥云. 诚意方殷. 诸佛现全身.

南無香云盖菩萨摩诃萨 (合掌三称)

南无本师释迦牟尼佛 (合掌三称)

### 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 佛说善夜经

唐三藏法师义净奉 制译

如是我闻：

一时，薄伽梵在王舍城竹林园所。去斯不远，有一苾刍，住温泉侧。

时有一天，颜貌端严，光明殊妙，过初夜分，诣苾刍所。彼天威光，周圆赫奕，悉皆照耀普遍温泉。合掌礼敬，在一面坐，白苾刍言：“大德！仁颇先闻善夜经不？”

苾刍答曰：“我未曾闻如是经典。”

复问天言：“仁先知不？”

天曰：“我亦不知。”

苾刍曰：“谁有知者？”

天曰：“无上慈父在竹林园，仁今可往诣彼请问，如佛所说，当奉行之。”

说是语已，忽然不现。

时彼苾刍，至天晓已，诣世尊所，顶礼双足，在一面立，白言：“世尊！昨夜有天，过初更后，来诣我所，光明照耀，周遍温泉，而问我言：‘仁颇先闻善夜经不？’我言：‘未闻。’我问彼天：

‘仁先知不？’ 答言：‘不知。’ 我复问言：‘谁有知者？’ 彼言：‘无上慈父在竹林园，仁可往问，如佛所说，当奉行之。’ 说是语已，忽然不现。我缘斯事故，来至此请问世尊。”

佛告苾刍：“汝识彼天不？”

答言：“不识。”

“汝今当知！彼是三十三天胜妙天子威德大将，名曰栴檀，为欲利益诸众生故，来觉悟汝，问是经名。”

时彼苾刍，复白佛言：“世尊！我今愿闻善夜经典，唯愿世尊哀愍为说。”

尔时，世尊告苾刍言：“此善夜经具大功德，若有闻者，能断烦恼，速证菩提。汝等<sup>1</sup>谛听，善极作意，吾当为说。过去诸法不应追念，未来诸法亦不希求，现在诸法勿生染著。如是行者，名真解脱。”

尔时，世尊即说颂曰：

过去不应念	未来不希求
于现在时中	皆如法观察
妄想心难遣	智人应善观
宜可速勤修	焉知至明日

<sup>1</sup> 大正藏：应；永乐北藏及龙藏：等

由彼死王来<sup>2</sup> 与汝镇相随  
是故我牟尼 善夜经今说  
常愿诸有情 离苦获安乐  
不造诸恶业 恒修于众善

尔时，世尊为欲利益一切众生，令于长夜得安隐乐，离诸障恼，于生生处增长善根，常遇三宝，不堕恶趣，复更说此陀罗尼曰：

怛侄他 毗尼婆<sup>引</sup>唎你 跋拞摩单滞 摩  
膩你掇掇掇掇 瞿里健陀里 旃荼里摩登祇<sup>上声</sup>  
萨啰烂帝 莫呼刺膩摄钵利 斫羯啰婆<sup>引</sup>枳  
摄伐里莫诃摄伐里 步精揭<sup>巨列切</sup>你 你弭你名  
揭你訖栗多<sup>引</sup>你莎<sup>引</sup>诃<sup>引</sup> 僧拽体<sup>天移切</sup>曇<sup>去声</sup> 頰嚩  
伽帝 捺啰伽帝 谤苏迦波<sup>引</sup>裹 劫布得<sup>都谷切</sup>  
迦波<sup>引</sup>裹 答布檀泥<sup>去声</sup>莎诃

“若有苾刍、苾刍尼、邬波索迦、邬波斯迦及余善男子、善女人等，于此善夜经中，若一伽他，若一句咒，读诵受持，供养尊重，明解其义，为他演说，当知是人，于一切时无诸灾厄。亦无非<sup>3</sup>横及诸衰恼。能知过去七生之事，亦不忘失大菩提心，决定能趣涅槃正道。若有善男子、善

<sup>2</sup> 大正藏：众；永乐北藏及龙藏：来

<sup>3</sup> 大正藏：枉；永乐北藏及龙藏：非

女人，受持读诵此善夜经者，于未来世所生之处，必定当得宿住之智，常受尊贵、安隐、快乐。”

复说颂曰：

此人一切时	无有枉横事
由造顺时业	永离非时死
拥护诸众生	令离病忧怖
不祥及恶梦	险路常安隐
若男子女人	戴持此经者
具相人敬重	所愿皆圆满
若于身语意	所有诸不善
由此经威力	终无有恶报
若水火王贼	雷电毒害等
怨家战争时	念经皆得脱
又复有明咒	若能读诵者
于一切时中	长善灭诸恶

即说咒曰：

怛侄他 你弭尼民达哩 室哩卢迦<sup>引</sup>卢枳  
你 室哩输攞陀唎你 恶矩比 侄哩底奴丽  
矩都军底 矩都屈此 鸡唼底矩比你 拥护  
拥护我某甲于一切恐怖处，于一切疾病苦痛处，  
于一切忧愁相恼处，于一切毒虫毒药处，于一  
切鬼魅厌祷处，于一切王贼水火处，于一切猛

兽惊怖处，于一切谤讟言讼处，于一切冤家斗  
诤处，于一切身意恶业处、所有语业四过处，  
于一切厄难危亡处，并执金刚神，常拥护<sup>4</sup>我  
某甲并诸眷属，莎<sup>引</sup>诃<sup>引</sup>。

复说咒曰：

怛<sup>5</sup>侄他 啞哩<sup>6</sup>啞哩<sup>7</sup>弭里一<sup>8</sup>里 毕舍脂钵  
拏 摄伐里止里莎诃

尔时，世尊说是经已，时彼苾刍及诸大众，  
人天八部、诸鬼神等，皆大欢喜，信受奉行。

佛说善夜经

<sup>4</sup> 大正藏：卫；永乐北藏及龙藏：拥

<sup>5</sup> 大正藏：恒；永乐北藏及龙藏：怛

<sup>6</sup> 大正藏：里；永乐北藏及龙藏：哩

<sup>7</sup> 大正藏：里；永乐北藏及龙藏：哩

<sup>8</sup> 大正藏：弭；永乐北藏及龙藏：一

## ● 结诵仪

### 补阙圆满真言

(三遍)

唵. 呼嚧呼嚧. 社曳穆契. 莎诃.

### 普回向真言

(三遍)

唵. 娑麼嚩. 娑麼嚩. 弭麼曩. 萨嚩诃. 摩诃斫  
迦嚩嚩吽.

南無本师释迦牟尼佛 (合掌三称)

南無护法诸天菩萨 (合掌三称)

### 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

十方三世一切佛. 一切菩萨摩诃萨. 摩诃般  
若波罗蜜

## 三皈依

(一遍)

自皈依佛，当愿众生，体解大道，发无上心；  
自皈依法，当愿众生，深入经藏，智慧如海；自  
皈依僧，当愿众生，统理大众，一切无碍。和南  
圣众。



此咒置经书中可灭误跨之罪

南无护法韦驮尊天菩萨

